

دائرة مخصوصه

درسعادته باب عالی جوارنده

محل اداره :

مشرط القلم

۱۳۲۶

اخطار :

مسلكمزه موافق آثار جديده مع المنويته
قبول اورانور

درج ايندله بن آثار اعاده اورانور

دينه، فلسفه، علوم، حقوق، ادبيات و سياسيات و بافاده كرك سياسي و كرك اجتماعي و مدني احوال و مشوره اسلاميه و در بحث ايد و هفته در نشر انور.

آبونه بدلي

سنه لكی

التي آيلغی

ممالك عثمانیه ایچون	۸۰	۴۰	غروش
روسیه	»	۳۰۵	روبله
سائر ممالك اجنیه	»	۱۷	۹ فراتق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادته نسخه سی ♦ ♦ پاره در

قیرله دن مقوا بورو ایله کوندریلیرسه سنوی
۲۰ غروش فضله آلنیر

اوچنچی جلد

۳۰ محرم ۳۲۸ پنجشنبه ۲۸ کانون ثانی ۳۲۵

عدد : ۷۵

نکات سوائی ، احکام رکاز ، رقیق و مکاتب ایله نکاحلرینه متعلق احکام ؛ حدود شرعیه ، زنايه شهادت ، قطع طریق ، جهاد ، ارتداد احکامی ، رباء ، صرف احکامی ، جنایات و دیات مسائلی نروده قالدی ؟ بو انقلاب عظیم و تبدل کلییه بر نظر لایقیدی ایله باقرق و او موزلری سیلکدرك (لاحول ولا قوة الا بالله) دیمك و بو صورتله مهمل بر کومه انساندن عبارت قالمقی ؟ یوقسه (تحدنون و یحدث لکم) قول مأثورینه مراعاة و (یا ایها الذین آمنوا قوا انفسکم) قول شریفندن اعماطاً حادثات و تجدیدات واقعیه بر نظر حکیمانه و مدققانه ایله باقرق بعض احکامی بر دلیل و حجتہ ابتناء ترك و واقعات حادثه بی مقتضیات زمان و مصالحته کوره اصول و قواعد شریعتیه تطبیق ایتمکمی مقتضای دین و ورعدر ؟

برده صورارز ای استاذ فقاہتسمات !

سز هم فلان امام فلانجه کتابنده شویله دیمش و تلمیذی فلانجه ذاتده حاشیه سنده بویله تحقیق ایتش دیور همده اوامامک اجتہادینه و تلمیذی اولان شیخکزک تحقیقاتنه مغایر بر طاقم ایشلرله مثلاً محاکم و مجلسده ، بر طاقم شرکت اقتصادیه و سائر خصوصیات دنیویه ایله اشتغال ایدیورسکمز . عجبا بو حال نه دن ایلرو کلیور ؟ هیچ شبه یوق که کتب عتیقه ده زمان تالیفلری الجا آتته تابع اوله رق مندرج احکام فرعیه نك تطبیقی امکانسزلغندن نشأت ایدیور . چونکه مرور زمان ایله طبائع انسانیه تغیر ایتش ، تألیف اولندقلری زمانده یعنی ادوار و اعصار سالفده محدث ایتمین بر طاقم واقعات و حادثات ظهور ایلشدر .

ازمانک تغیریه احکامک تغیری انکار اولنه میه جنی اساسی دخی قواعد شرعیه من ایجاباتندندر .

معاملات ناسه تعلق ایدن بوواقعات و خصوصیات حادثه تجاریه ده مدار عمل و حکم اوله حق بر طاقم احکام شرعیه بی دلائل دینییه مزدن استنباط ایتمزسه ک او وقت بو معاملات حقنده نه شرعشریفه موافق بر حکم ویره بیلورز ، نه ده بو اعمالدن حاصل اوله حق نمایه ، قزانجه بک واسع و ساحتکار اولان شریعت غرامزه نظراً - حلال دیه بیلورز . علماء متقدمین علم اصولک ثمره سنی استنباط احکام اوله رق کوستردکلری حالده متأخرین فقها منراستنباط احکامه جواز ویرمیور . فقط زمان اسلافده محدث ایتمه مش بر مسئله حقنده کی حکم شرعی صوریه حق اولسه جواب بولنه میور . محیب بو توقف و عجزیله صانکه شریعت غرآنک اولبابده بر حکمی اختوا ایدمه میه جک بر درجه ده ضیق اولدیغنی سویلیور . و او مسئله نك سائللرك ارزولرینه و یا اوروا قانونلرینه نظراً حل و تسویه ایدلمسنی واجب قیلیور .

ایشته اسلامیه بوندن بیسوک تحقیر ، شریعت غرایه ، صاحب شریعت قارشو بوندن بیوک کفران نعمت اولور می ؟

یوقسه ادیانک آخری وجع ازمان و اعصارده احتیاجات بشریه نك کافه سنی جامع و ضامن اولان دین جلیلمز طور و رایکن اومسائلی حل ایچون بشقه بر دینک صحائف احکامنی می قاریشدریم .

دیگر متشرعلرك ، قانون واضعلرینک عقلاً بزدن ده یا متفوق

و حکماً ده ا صحیح اولدقلرینه ذاهب اوله لمده نفسمزی حجر و نعمت الهیه اولان عقلمزی تعطیمی ایدلم ؟
بخشایش ربانی اولان دین و عقلی اماته و نورلرینی اطفا ایدوبده بونک عنده موجب ثواب و نزد الهیه وصول ایچون یکانه طریق اولدیغنی نصل ادعا ایدرز .

ایشته بو مسئله قارشوسنده لال و مبہوت قاله حق و لزومسز حدت و شدت کوسترمه جک اولان معارضلری محرر مقاله انصافه دعوت ایدر . وانکده معاصرین فقها ایچون دکل امت مستقبله اسلامیه ایچون طریق اجتہادک لزوم تمهیدنی تصدیق ایدرک استنباط واجتہاده مقتدر قیله حق بر تعلیم جدیدنک تأسیسنه سعی و غیرت ایتلرینی تکلیف ایلر .

المغربی

(جیش العسره) ناصیل تجهیز ایدیلدی ؟

مدینه طیبه ، هجرتکاه فخر المرسلین و رشک انداز سپهر برین اولمادن اول اوراده شهر شهیرک اهالی قدیمه سندن اولان و حضرت مولانا طرفندن :

دو قبیله اوس خزرج نام داشت
یک ز دیگر جان خون آشام داشت

بیتیله تعریف بویورولان (اوس) و (خزرج) قبیله لری بولونویوردی . وقتا که او بلده کزین ، دارالقرار خاتم النبیین اولمق شرفنی قازاندی ؛ یکدیگرینک قاتنی ایچه جک قدر وحشیانه بر حرص انتقام بسله یین بو ایکی قبیله افرادی اراسنده کی منافرت و نفاق ، ناشرتوحید و آمر اتحاد اولان پیغمبر صاحب رشادک فیض ارشادیه دیندارانه بر مظاهرت و اتفاقه تبدل ایتدی .

شو اتفاق دیندارانه و اتحاد مظاهر تکارانه سوبقه هان طرفه العین دینه بیله جک بر زمانده حجازک وحشی چوللرندن آوازه اشراک احما و ایصسر طاغلرنده کلمه الله اعلا ایدیلدی :

افرادی معدود و دائرہ سی سور مدینه ایله محدود بولونان دین اسلام بو سایه ده اقطار جزیره العربیه انتشار ایلدی . اقل قلیل اولان متحد موحدلرك (کأنهم بنیان مرصوص) وضعنده یکدلانه حرکتلرندن (تحسبهم جمیعاً و قلوبهم شتی) تفرقه سندن قورتولامایان قبائل مشرکه فرقه لری داغیلماقدن باشقه چاره بولامادیلر .

اهل اسلام ، قایچلریله رؤس ابدانی دکل ، رؤسای طغیانی کسیدی ؛ اوقلریله صدورناسی دکل ، مقام و سواسی ده لیدی ؛ مزراقلریله قایلردن قان دکل ، قلیله ایمان ایتیدی .

نور سحر کبی یوکسه لن و یوکسه لکجه اطراف و آفاقی پارلاتان دین مبین ، لمعات فیضا فیضیه یدی سکمز سنه ظرفنده خیره ساز مشرکین اولدی . پردانه منشان ازل ، اونور تابانک اطرافنه قوشو- شدی ، شب پرہ طبعان تقدیر ایسه وحشت انکیز و ظلمت آمیز یرلره صاووشدی .



دوقوزنجی سال هجرتینک رجبی ایدی که موسمک یاز اولماسی

فوج فوج بلدہ مقدسیہ کلوب طویلاندی . ہپی حفظ دین ایچین
ایجاب ایدہ رسہ اولمک و حدود وطنہ متجاوزانہ آتیلایق آدیملرہ
جسدیلہ مانعہ تشکیل ایتک املنی بسلیوردی .

فقط منفعت شخصیہ سی ، غیرت دینیہ و حمیت وطنیہ سنہ غالب
اولان ہمض کسان آغیرجہ داورانیور . واردویہ التحاق ایتکی ،
مزاحم سفری کوزہ آلہرق دشمنلہ چارپیشمنی کریہ کوروپوردی .
بویلہ لری حقندہ « مالکم اذا قیل لکم انفرؤا فی سبیل اللہ انا
قلتم الی الارض ارضیتم بالحیوة الدنیا من الآخرة فما متاع الحیوة الدنیا
فی لاخرة الا قلیل » خطاب جلیلی نازل اولدی .

مسلمانلر !

« سزہ نہ اولدی کہ فی سبیل اللہ محاربہ ایچین طویلاندک ، دنیلیدیکی
وقت آغیر داورانیورسکز ؟ یوقسہ نعیم آخرت طورورکن حیسات
دنیاہمی راضی اولویورسکز ؟ دنیانک متاع حیاتی آخرتہ نسبتلہ
قلیل و اہمیتسز برشیدر . مألندہ اولان بو آیت کریمہی نظر دقتہ
آلام . بویلہ بر عتابہ اوغرامامق ایچون حدود بویلرینہ قوشالم .
لکن شیمیدیلک بوکا حاجت یوق . لطف الہی ایلہ عسکرلرمز
سرحدلردہ بر شیرزیان کی کوکرہ یوب طورویور . آوازہ شجاعتلری ،
کلاب اعدای اوزاقدن اوزاغہ عوعوہیہ مجبور ایدیور . الحمدللہ
عسا کر بریہ مز مکمل . نقصان و محتاج تعاون برشی وارسہ اودہ
قوہ بحرہ مز . ایشته بر سبیل الہی . بویولہ آغیر داورانمایالم .
نقداً اشتراک صورتیلہ دونما مزہ یاردم ایدہم . پیشوایان دین اولان
اصحاب کزینک اسوہ حسنہ سنہ اقتدایہ مأموردکلی یز ؟ اونلردہ مالاً
بدناً فداکارلقدن کری طورمادیلر .

باقیکز :

اورتہ لقدہ قحط و غلا حکمفرما اولماسندن و خرما محصولاتنک
هنوز اقطاف ایدیلہ مہ مسندن افراد مسلمینک چوغی ضرورتہ مبتلا ،
حتی زاد سفر تدارکندن بیلہ عاجز بولونویوردی . نبی کریم علیہ
و آلہ الصلوٰۃ و التسلیم افندیمز ، اغنیای مؤمنینک فقرای مسلمینہ
یاردم ایتہ سنی و مسلمانلرک خرسئیانلغہ قارشی چیقارہ جنی شواردونک
تجهیزاتہ اعانہ ایدیلہ سنی فرمان بویوردیلر و « جنت جیش عسری
تجهیز ایدنلر ایچوندر » مألندہ اولمق اوزرہ « من جہز جیش العسرة
فلہ الجنة » تبشیرندہ بولوندیلر .

(تجهیزی عسرت و مشکلاتلہ ممکن اولاییلن شواردویہ « جیش
العسرة » دہنیلیوردی)

اصحاب کرام ، رسول اللہک امر و تبشیری اوزرینہ عادتاً کرم
وسماحت مسابقہ سنہ چیقدی . صدیق اکبر حضرتلری درت بیک
درہمدن عبارت اولان جمیع ماملکنی ، فاروق اعظم ، اموال موجودہ سنک
یاربسنی بواردونک تجهیزی ایچون ایشار ایتدی . جناب عثمان ایسہ
طقوز یوز دہوہ ، یوز آت ویردکن صوکرہ بہرینہ بر آلتون صرف
ایتک اوزرہ اون بیک کشی تی تجهیز ایلدی . دہا صوکرادہ بیک
آلتون کتیروب پیشکاه محمدیہ دوکدی و التفیات جہاندرجات
پیغمبریہ نائل اولدی .

مناسبتیلہ حجاز کونشی صخور جبالی یاقوب اریتہ جک درخندہ تاب
افشان اولویور ، ہوارک قوراق کیتہ سنی زمین ریکستانک فیض
انباتی کسدیکندن مدینہ مدہش بر قحط حکم سورویوردی .

حالا بیلہ بلدہ طیبہ نک ثروت یکانہ سنی تشکیل ایدن خرما محصولاتی
هنوز صالحیم حالندہ بولوندیغندن محتاجین اہالی ، میوہ لک حصولی
مشتاقانہ بکلیوردی . بو اثنادہ ایدی کہ شام طرفندن بر قافلہ کلدیکی
وزیتون یاغیلہ اون کتیردیکی شہر طیبہ دہ دویولدی . ہرکس شو
کاروانک ورودندن استبشار ایتدیکی وعائلہ سنہ نفقہ تدارکی ایچون
قوشدینگی صیرادہ قافلہ نک موخش بر خبری دہ حامل بولوندینگی
ایشیدیلدی . لحم ، جذام ، عاملہ ، غسان کی قبائل متصرہ عربک
روم قیصری (ہرقل) « مدینہ مدہ ادعای نبوت ایدن محمد
اولدی ، اصحابی ایسہ دوچار قحط اولدی ، مدینہ پی تسخیر ایتک
(مؤتہ) وقعہ سنک انتقامنی آلمق ایچون تام فرصتدرہ . مألندہ
برمکتوب کوندربہ لری اوزرینہ ہرقل (قباد) نامندہ کی سرداری قرق
بیک کیشیلک براردو ایلہ سوق ایتش ، بواردویہ ذکر اولونان قبائل دہ
اشتراک ایلہ مش . دہشتلی بر قوت اولہرق (بلقا) موقعہ قدر کیشلر !
شو خبر ، حقیقہ نصیبہ دار ایمان اولمایان منافقین ایلہ قریب العہد
بولونان بعض مسلمینی تدهیش ایتدی . یکی مسلمانلر ، بویلہ تجهیزاتی
مکمل وافرادی کثیر بر اردویہ مقابلہ و ظفر قابل اولامایاجنکی
دوشونیور ، منافقلر وبالخاصہ رئیس لری اولان (عبداللہ بن ابی بن
سلول) حیثی « محمد روملرہ محاربہ ایتہ سنی اویونجاقی صانیور ،
بن داہا شیمیدین کرک اونی ، کرک اصحابی اسیر ایدیلش واپلرلہ
باغلامش بر حالہ کو رویورم » ہذیاناندہ بولونویوردی .

ای امت محمد !

بیلیرسکز کہ تاریخ ، تکرر وقایعدن عبارتدر . دقت ایدیکز !
بیک اوچوز اون دو قوز سنہ مقدم ، مدینہ الرسولک اوغرا دینی
عزم تسخیرہ بوکون وطنمزدہ معروض بولونیور . شمال طرفزدہ
هنوز قرالرینہ تاج کیدیرمہ مین بولغارلر ، جنوبمزدہ داہا بر قاج
پیل اول ضربہ تادیبی ییہن یونانلیر ، بر قسم ممالکمز استیلا
ایتک ایستیور . ایچمزدہ بولونوب وطن عثمانینک نان ونعمتیلہ
پرورشیب اولدینگی حالہ اعدای وطنہ غیرتکشلکدن قورتولامایان
بعض آلچاق منافقلردہ بواسطیلای تسہیلہ اوغراشیور ، دشمنلرمزی
حقلی کوستر مکہ چابالیور .

بز بونلرہ قارشی لاقید قلابیلہ جکمی یز ؟ اصلاً قالیرسہق نہ
اولور بیلیرمیسکز ؟ آتی الذکر عتاب آلہینک مخاطبی اولمش اولورز .
بحثی تعقیب ایدیکز :

وطن محبتک ایماندن ایلہری کلدیکی و محافظہ وطنہ ہر مؤمنک
مأمور اولدینگی امت مرحومیہ تعلیم بویوران پیغمبر وطنپرورمز ،
فرقہ ثلاثک جمعیت توحید اوزرینہ اولان شو عزمہ مقابلہ ایچون
تکمیل اصحاب ایمانک حربہ حاضر لائمالرینی امر ایتدیلر . فرمان
پیغمبری مدینہ اہالیسنجہ بالذات فہ سعادتدن تبلغ ایدلیدیکی کی
متجاوز قبائل مسلمہ یہ تحریراً تبلیغ اولوندی . فداکاران مسلمین

ابو سعید الخدری حضرت تلیک (رسول الہی) کو ردہ کہ کیجہ نک
ابتداسندن صباحہ قدر مبارک اللہ بنی خالدیرمش، الہی بن عثماندن
راضی ہم سن دہ راضی اول دیہ دعا بویورویورلردی (دیدیکی کتب
احادیثدہ ذکر اولونویور .

کذا مالداران اصحابدن (عبدالرحمن بن عوف) قرق اووقہ آلتون،
(عباس بن عبدالمطلب) ایله (طلحہ بن عبد اللہ) مال کثیر و (عاصم
بن عدی الانصاری) یوز دہ وہ یوکی خرما اعانہ ایتدی . (ابو عقیل
انصاری) اسمندہ حیتلی بر فقیر ایسہ بر کیجہ صباحہ قدر صو چکمک
شرطیلہ اللہ ایدہ بیلدیکی ایک (صاع) خرمانک برینی اردویہ ترک ایله دی .
نسوان مسلمین دہ بو خصوصہ رجال مؤمنین دن کری قالمادی .
ہمسی قولاقلرندن کویہ لرینی، بویونلرندن کردنقلرینی، قوللرندن
بیله زیکلرینی، آیاقلرندن خالخالرینی چیقاروب اعانہ اولمق اوزرہ
کوندہ ردیلر .

ایشته شو متحدانہ وفداکارانہ تعاون سایہ سندہ اوتوز قرق بیک
کشیک بر اردو تجهیز ایدیلہ رک سپہ سالار انبیا علیہ وآلہ افضل التحایا
افندیمر حضرت تلیک معیت سنہ لرنده (تبوک) موقعنہ قدر کیتدی
وقوسقوجہ بر روم دولتنہ حدود بویندہ میدان اووقودی .

اورادہ ایجہ مدت توقف بویورولدیغی خالده دشمنلہ تلاق
ایدیلہ دی . چونکہ اردوی ہایونک مدینہ دن حرکتی طویولمش
واولجہ (مؤتہ) وقعہ سندہ کی سیف اسلامک آجیدی ہنوز اونوتولمامش
اولدیغندن کرک روملر، کرک متصرعر بلر اردوی مسلمینک سطوت
ومہاقتدن اورک رک کری دونمکہ مجبور اولمشدی .

تبوکدہ یکریمی کون قدر اقامت و (ایلہ) حکمداری (یوحنا) دن
سنوی اوچیوز و (جربا) ایلہ (اذرح) بلہ لری اہالیسندن ییلہ
یوز آلتون جزیرہ آلینمق اوزرہ مصالحہ عقد ایدیلہ رک شانلی بر صورتدہ
مدینہ طاهرہ یہ عودت اولوندی .
ای امت مرحومہ !

بیلرسکیز کہ : نبی اکرم صلی اللہ علیہ وآلہ وسلم افندیمر «علیکم
سنی وسنہ خلفاء الراشدین» حدیث شریفیلہ کندی عادات سنہ لرینہ
وخلفای راشدینک حرکاتنہ اتباعمزی امر ایتمشدر .

ینہ معلومکیزدرکہ (اصحابی کالنجوم باہم اقتدیم اہتدیم» فرمان
کریمیلہ آسمان ہدایتک نجومی اولان اصحاب کزینہ اقتدا ایتک
موجب ہدایت اولدیغی خبر ویرمشدر . ایشته خلفای راشدین
وسادات اصحاب کزینک اعلائی کلمہ اللہ وحفظ بلدہ رسول اللہ ایچون
تشکیل ایدیلن براردونک تجهیزینہ نہ قدر فداکارانہ چالیشدقلرینی
اوکرہ ندک حضرت عثمان حقندہ شرفواقع اولان التفات و دعواتی
اووقودق .

ای اغنیای ملت !

سزدہ او التفات و دعواتہ مظهر اولمق ایستہ مز میسکیز ؟ اموال
دنویہ نک ایشاریلہ نعم اخرویہ قازانمق آرزو ایتزمیسکیز ؟ طبیعیدرکہ
بویلہ بر شرف عظمایی آرزو ایتہن اولہماز . اوخالده محتاج تکمل
بولونان دونامیہ اعانہ ایدیکیز .

امین اولکیز کہ بونک ایچون ویرہ جککیز مبائع ، جنتدن یر
مبايعہ سیچون پایلرہ ویریلن پارہ لرہ قطعاً بکیزہ مز .

بو «ان الله اشترى من المؤمنين انفسهم واموالهم بان لهم الجنة»
نظم جلیلی موجبجہ جناب رب العالمین ایلہ عباد مؤمنین آراسندہ
وقوعہ کلہ جک بر بیع و شرادر .

ای فقرای امت !

سزدہ ، بر کیجہ ک مساعیسنک نصفی فی سبیل اللہ اعانہ ایدن
ابوعقیل حضرت تلیک تقلید ایدہ مز میسکیز ؟ او ، ابو عقیل کہ ویردیکی
اعانہ نک قلتندن ہرزہ کویان منافقینک ہدف استہزایی اولمش، لکن
علو جنابنی تقدیراً «اعانہ اعطاسیچون ثمرہ غیر تارندن ماعدہ بر شیء
اولمایانلری منافقار استہزا ایدیور . حالبوکہ اللہ اونلرلہ استہزا
ایدہر واونلر ایچون عذاب الیم وارر» مآئندہ کی «والذین لا یجدون
الا جہدہم فی سخریون منہم سخر اللہ منہم و الہم عذاب الیم» تہدید
ربانیسی نزول ایتمشدر .

بر کونلک - ثمرہ سیکیزک یاریسیلہ مددوحین التہیہ دن اولمغہ جان
آتمازمیسکیز ؟ بدیہیدرکہ بونک ایچون بریومیہ کزی دکل ، برچوق
کونلک قازانجکیزی فدا ایدہ رسکیز . اوخالده ویرہ جککیز قلتندن
چکینمہ یہ رک اعانہ یہ اشتراک ایدک . جناب حق (من جاء بالحسنۃ فله
عشر امثالہا) بویورویور . آزلر ، عندالہیدہ برکت پیدا ایدہر ،
توایی چوغالیر .

ای ملت نجیبہ !

زکینلر مز حضرت عثمانہ ، فقرامن جناب ابو عقیلہ تطبیق
حرکتلہ فداکارلقدہ بولونسون کہ اصحابک اعاناتیلہ تجهیز ایدیلن
اردوی سعادتک روم حدودندہ روم دولتنہ میدان اووقودینی کبی
تعاون ملی ایلہ آلینہ جق (یادکار ملت) دہ کریدہ ، اوامواج مخوفہ
آراسندہ بیکس بر قضازدہ کبی چرینان جزیرہ مزہ صالدرمق ایستہن
جاناوارلرہ قارشی تفوق بحریمزی تأمین ایتسین ، سطوت وشوکت
ملیہ مزی کویسترسین .

بر زمان دونامالرمزک خصوصی بر جولانگاہی اولان بحرسفیدک
بیاض کوپوکلرینی یارارکن صغیر جہانگیرانہ سیلہ یاغارہ جی وشیاریق
برقوم اولان یونانلیلرک قولاغنہ :

تا الی عصر دن بری تاریخ بشردہ

اوصاف حماسلہ آدی شانلیلر بز

یونانلیلرہ شویلہ جہ اخطار ایدر زک

شرقی رومایی محو ایدن عثمانلیلر بز

آوازہ تحدیسنی ایصال ایتسین .

باقی وتعاونوا علی البر والتقوی والسلام علی من اتبع الہدی

طاهر المولوی

«مطبوعہ خیرہ» وشرکاسی مدیر مسئول : اشرف ارباب